



1574  
1572. 1586  
1620. 1621.  
1634.









6. ———— wüßsch geyßlich an die  
großen Lehr, 1559.
7. ———— antwort auf wüßsch  
1555.
8. In universitate Wittenberg und  
Leipzig formierung an alle  
episcopale pando, Wittenberg 1558.
9. ~~Flaccij~~ M. flaccij antwort auf  
die formierung der universitäten  
Wittenberg und Leipzig, jena 1558.
10. ———— brief von thoma  
articula der geistlichen bfr. 1559.
11. von Amidorff s. nicol contra d.  
pfeffinger 1559.
12. flaccij s. M. fl. wider die  
neue reformation d. pfeffinger  
Magdeburg 1550.
13. ———— von der unrichtigkeit  
der yäpffischen Religion, jena 1559.
14. Herhusij s. Titimis responsio ad Melan-  
thonem de S. Coena, 1560.
15. osiandri s. Lucasi brief, nach der  
der widerantwortung der Dresdener  
theologen in dem articulo von  
s. abhandlung zu saltz. 1552.



- 16. Osianus f. Lucid v. Mannin  
für die Zwingliſche Lehr.
- 17. Herkules f. Talem. vier yndigten  
vom f. Abendmaße, Jena, 1573.
- 18. Flaccus f. Matth. M. antwort  
auf episcopus Laſy ſchreiben.  
1568.
- 19. ———— Diſputation mit  
denn Doctoren der Jeſuiten  
in Fulda. 1573.
- 20. ———— von fünf Bitt und  
einzig Bitt der Evangelische  
und yagische inderman der.  
1573.
- 21. Zeomanni f. Georgij confideratio  
parentalis B. Lutheri Wittenber.  
7e Bor.
- 22. tuncſchige ſervierung an  
die Päpſte Augſpurgische con-  
feſſion an ynt der yagischen  
ſchreiben. Bor.
- 23. Miſſiv an D. Hoe, de ibid.
- 24. Jenaische univerſität Bismarck  
an Prof. Joh. Crast zu Paſſa  
wegen der Böhmiſchen unruhe.  
1620.





25. Drey mässige bedenken über  
den Reliquiar fy. 1621.

26. zweymässige bedenken D. Martin  
Luthers mit andern, daß die  
Evangelische paul. in Reliquiar  
den unter dem die zwey fy.

27. forner studium der Harmonia  
spiritu der jesuiten  
1621.

28. Archizen theodisy Exemplum  
litterarum Præmonie seriptarum,  
1609.

29. flandris Gezert paulli antwerp  
des Prinze Henrici 10 in francfort  
an der rhayn der jesuiten,  
1609.

30. Paizer ferdinandi 11 absper  
zwey den franzosen Spinola  
und Landgraven Morsen zu  
essen, Neun 1621.

31. antwerp an der Jacob von  
gen der ersten 1621.

32. und prognomen oder wittum  
der Evangelischen Paule persohnen  
in der ersten 1622.





33. Hanseischer wechsl, Gröningen  
1624.

+  
33. Doutscher sandt s. Ehrenfried Coest.  
frantzöser Archiv, 1634

+  
34. Selinus D. Regius. Von der Deuension  
im d. Guggen Waffr. 1632.



6.  
Ein gut newe Jar /  
den grossen Herrn in  
dieser Welt geschanckt.

Durch Niclas von  
Amsdorff.

Psal. II.

So lasst euch nu weisen jr Könige / vnd lasse  
euch züchtigen jr Richter auff Erden.

Dienet dem **HERRN** mit furcht / vnd  
fretet euch mit zittern.

Küsset den Son / das er nicht zürne / vnd jr  
vmbkomet auffm wege / Denn sein zorn wird  
bald anbrennen / Aber wol allen die auff ih  
trawen.


Coloss. II.

SEhet zu / das euch niemand beraube  
durch die Philosophia vnd lose verführung /  
nach der Menschen satzungen / vnd nach der  
Welt satzungen / vnd nicht nach Christo.

2177



Faint, mirrored text, likely bleed-through from the reverse side of the page. The text is illegible due to fading and the condition of the paper.





Dem Durchlauch-  
tigsten Hochgebornen Fürsten vnd  
Herrn / Herrn Johans Friderich dem  
Äldern / Hertzogen zu Sachsen vnd ge-  
bornem Churfürsten / Landgrauen  
in Düringen / vnd Marggrauen  
zu Meissen / meinem gnedig-  
sten Herrn.

**D**urchlauchtigster Hoch-  
geborner Churfürst / Got-  
tes gnad vnd Geist wünd-  
sche Ich alzeit K. Ch. f. G.  
in meinem teglichen Gebet / in vnd durch  
das erkentnis Ihesu Christi / vnser lie-  
ben Herrn / Amen.

Gnedigster Herr / Ich hab an die  
Herrn in dieser Welt ein new jar gestalt /  
welchs ich vnter K. Ch. f. G. namen dar-  
umb hab lassen ausgehen / das Ich weis /  
das K. Ch. f. G. iren glauben an Ihesum  
Christum herrlich bekand haben. Auff das  
nu solch Christlich Bekentnis rein vnd  
A ij vnbes



unbefleckt bleibe / vnd vom Satan durch  
seine feurige Pfeil nicht besudelt werde /  
welche er izund scheussset vnd ausgeussset /  
Nicht durch die Papisten oder Interimi-  
sten / des ich kein Sorge habe / Denn sie sind  
zu grob / vnd Epicurisch der meherer  
teil / Sondern durch die Adiaphoristen /  
die vnter dem namen vnd schein Got-  
tes Worts / durch ire geschmückte rede / die  
Leute betriegen / das sie neben dem Euan-  
gelio den Antichrist anbeten / vnd seine  
Malzeichen an ire stirn / oder auff ire hen-  
de vnwissentlich / ehe sie es mercken vnd ge-  
war werden / empfahen vnd annemen / da-  
durch Christus vnd sein Wort verleug-  
net wird.

Denn es ist nicht genug / das sie das  
Euangelium predigen vnd hören / Sont-  
dern es ist auch von nöten / das sie sich für  
dem Antichrist wol fürsehen vnd hüten /  
Denn man kan nicht zweien Herrn zu-  
gleich dienen / oder mit beiden Kirchen ge-  
meinschaft haben. Derhalben wer mit  
des Papsts vnd seiner Messpaffen Kir-  
chen gemeinschaft hat / der kan mit dem  
Herrn Christo vnd seinem Euangelio  
kein



kein gemeinschaft haben / wenn er gleich  
das Euangelium alle stunde hörete vnd  
predigete / Denn er ist Christo feind / vnd  
hat sein wort verleugnet / oder je auff  
wenigst veracht / weil er dem Antichrist  
anhangt / oder in liebet / wie Christus im  
Euangelio klerlich sagt.

Darumb ist hoch von nöten / vnd je  
so not Reuelationem Antichristi zu predigen /  
als den Glauben selbst / Denn es ist so wol  
ein stück des Euangelij / als die predigt  
vom Glauben an Ihesum Christum vn-  
sern lieben HERN. Dieweil nu die Leute  
sich für dem Römischen Antichrist hüten  
sollen vnd müssen / wo sie anders wollen  
selig werden / So mus man je den selbst  
inen zeigen vnd weisen.

Weil denn der Adiaphoristen lere  
vnd Confession der Reuelation Antichristi  
schweiget / vnd mit einem wort nicht geden-  
ckt / vnd doch gleichwol des Antichrists  
Malzeichen vnter einem neuen schein  
des Worts in der Leipziger ordnung  
zu halten gebent / So ist von nöten /  
das man sich für der Adiaphoristischen  
lere vnd Confession / als für dem Teuffel  
A iij selbs



selbs hute/ vnd wol fürsehe / Auff das sie  
vns mit iren süßen listigen Worten nicht  
beschleiche/ noch betriege / dieselben Mal-  
zeichen des Antichrists anzunemen/ damit  
vnd dadurch auch der Antichrist selbs an-  
genommen vnd angebetet würde/ vnd eben  
durch solchen schein also heimlich vnd vn-  
uersehens widerumb ins Papstumb ge-  
fürt würden/ vnd das Euangelium war-  
hafftig verlören / Vnangesehen das man  
viel dauon predigen/ plaudern/ vnd schrei-  
ben würde.

Darumb fordert die höchste not/ das  
wir vns wol fürsehen/ Denn solcher gro-  
ßer schein/ vnd listiger betrug/ ist noch nie  
fürhanden gewesen/ das auch geleerte Leu-  
te/ so das Euangelium lieb haben / durch  
solchen schein vnd list bezaubert sind / das  
sie solche lere vnd Confession für Christ-  
lich achten vnd halten.

Witte derhalben vntertheniglich E.  
Ch. f. G. wolten sich durch solchen schein  
vnd behende wort menschlicher vernunft  
vnd weisheit nicht bereden lassen / den A/  
diaphoristen in keinem stück zu trawen  
noch zu glauben / auch im wenigsten nicht  
vnd



vnd nicht vmb ein harbreit von **E.**  
**Ch. f. G.** glauben vnd Bekenntnis weich  
en / sondern darinne / wie bisher gesche  
hen / bestendiglich bleiben vnd beharren.

Dem wo man inen weicht / oder et  
was im wenigsten vmb ein harbreit nach  
gibt / so ist man schon von Christo gar  
abgefallen / Dem das wort vnd der  
Glaube leidens nicht / das man  
dem Antichrist etwas nachgebe /  
sonderlich izund dieweil der  
Antichrist reuelirt vnd geoff  
fenbart ist / Quia scrip  
tum est . Nemo pos  
test duobus Do  
minis seruire .

**Ein**



**Ein gut newe Jar /**  
den grossen Herrn in dieser Welt  
geschanckt.

Durch Niclas von Amisdorff.

**Z** dieser zeit pflegt einer  
dem andern das newe Jar zu  
schencken / vnd Ich bisher den  
grossen Herrn in dieser Welt ni-  
chts geschanckt habe. Dieweil  
aber mein zeit komen ist / das ich  
vielleicht bald von hinnen muss / Denn das 71.  
Jar hat mich vberfallen / Derhalben ich hoffe /  
Ihesus Christus mein lieber Gott vnd Herr /  
werde mich nu schier von hinnen zu sich in sein  
Reich nemen.

Auff das ich nu nicht vndanckbar erfun-  
den werde / für alle wolthat / so jr mir erzeigt vnd  
beweiset habt / So wil ich euch / ehe ich von  
hinnen scheide / ein seliges gutes neues Jar zur  
letze schencken vnd geben. Nicht ein gülden Klei-  
not mit edeln Steinen gezieret / denn ich hab  
Keins / So kan ich auch Keins keuffen / noch beza-  
len / Sondern was ich hab / das wil ich euch ge-  
ben / das euch nützer vnd besser ist / wo jr selbst  
wolt / denn aller Welt ehre vnd gut / nemlich /  
diesen spruch Johannis Apoca. 7.

Vnd



Vnd es ward mir ein Chor ge-  
geben/ einem Stecken gleich / vnd  
sprach : Stehe auff / vnd mis den  
Tempel Gottes / vnd den Altar / vnd  
die darinnen anbeten. Aber den in-  
nern Chor des Tempels wirff hin-  
aus / vnd mis in nicht / Denn er ist  
den Heiden gegeben.

**D**iesen tewren vnd werden Spruch/  
wie denn ein jedes Wort ist / so aus dem  
munde Gottes gehet / wie S. Paulus sa-  
get / wil ich euch grossen Herrn in dieser Welt  
stund zur Letzte / vnd newem Jar geschanckt ha-  
ben / Vnd bitte vntertheniglich / Ir wolt solch  
Newjar gnediglich vnd gutwillig annemen.  
Nicht vmb meinet willen / sondern vmb ewer  
selbs willen / Euch thuts not / mir thuts ni-  
cht not / Denn jr bedürffts aus der massen  
wol / das jr diesen Spruch wol bedenckt vnd zu  
hertzen nemet / was er wil / saget vnd leret. Wolt  
Gott von Himel jr nemet es zu hertzen / vnd  
gebt acht drauff / was er in sich helt / vnd wie  
er solt verstanden werden.

Wil derhalben euch zum besten / nach mei-  
nem geringen verstand / so viel mir Gott gnade  
verleihet / ein kleine Kurtze Anzeigung thun / was  
dieser Spruch in sich hat vnd haben wil. Auff  
das doch etliche vnter euch vernemen vnd ver-  
stehen können / was da gesaget sey / **W** Is den  
Tempel Gottes / vnd wirff den innern Chor  
hinaus etc

**B**

**Denn**



Denn bieweil jr den Ketzer so feind seid /  
vnd sie mit solcher grosser begir auszrotten vñ ver-  
tilgen wolt / So wird euch dieser Spruch Jos-  
hannis die rechten Ketzer / so billich zuuertreiben  
find / Klerlich zeigen vnd weisen / welehs denn  
euch am höchsten von nöten ist / Auff das jr nis-  
cht feilet / noch anlaufft / vnd die fromen vñ  
schuldigen Christen / an stat der Ketzer / wie  
bisher geschehen / verjagt vnd vmbbringet /  
vnd die rechten Ketzer nicht allein schützet /  
handhabt / vnd verteidiget / sondern auch hoch  
erhebt vnd herrlich haltet .

Derhalben solt jr wissen / das dieser spruch  
Johannis . ( Wis den Tempel Gottes / vnd  
wirff den innern Chor hinaus ) ein Prophe-  
cey vnd weissagung ist / darinnen Johannes  
weissaget / das in der Christenheit zweierley Kir-  
chen sein werden / nemlich / der Tempel Gottes  
so gemessen wird / vnd der inner Chor / so hina-  
us gestossen wird .

Der Tempel Gottes ist die Kirche / so mit  
eusserlichen Ceremonien / Tradition / Gesetzen /  
vnd Decreten gemessen wird / da durch jr ziel /  
masse / vnd weise gegeben vnd geboten wird /  
Wie sie singen / lesen / opffern / essen / trins-  
cken / vnd sich kleiden sol . Denn dazu ist des  
Papsts Kirche / durch seine Gebot vnd Des-  
cret geordnet vnd gestiftet / das man allein solch  
eusserlich wesen vnd Kirchen geprenge vleissig  
vnd vnabbrüchlich halte / Wie denn alle Clö-  
ster / Stifte vnd Thumkirchen solchs anzei-  
gen vnd beweisen .

Welche allein vmb der Messe vnd irer Cere-  
monien willen fundirt vnd gestiftet sind / als  
nemlich



nemlich/das man darinne Klinge vnd leutte/sin-  
ge vnd lese / orgele vnd pfeiffe / Messen vnd  
Seelmessen für Todte vnd Lebendige halte /  
das man sich so kleide / so esse / solche Kappen  
vnd Platten trage/das man Del/ Saltz/Was-  
ser/ Liecht/ Fewr / Schincken/Fladen/ Eier/  
Kraut vnd Würtze/ segene vnd weihe / igliches  
zu seiner zeit/ das Jar durch.

Auff solchen Ceremonien vñ eusserlichen Ge-  
prenge / welche Paulus Elementa mūdi nennet/  
Gal.4 gehet vnd stehet/sitzet /vnd liget/ die Rōs-  
mische Kirche/nemlich Wie man singen/lesen/  
essen / vnd sich kleiden sol / Welchs alles der  
Papist in seinen Tradition/ Decreten vnd Gese-  
tzen so streng vnd hart zuhalten befohlen vnd  
geboten / das sie mit gewalt des Schwerts  
vnd Bans /solchs zuhalten gedrungen vnd ge-  
zwungen sind/Vnd alle die es nicht halten/ Ja  
nur dawider reden oder mucken/als Ketzer ver-  
dampt vñ verbrent. Alleine darumb/ das sie sol-  
che seine Ceremonien vnd Kirchen geprenge/nit  
acht noch halten / welche er alle stracks  
wider Gottes wort/gebote vñ befehl in der Chris-  
tenheit/auffgericht vnd eingesatzt hat.

Denn Christus spricht/ das Reich Gottes/  
die Christliche Kirche/ kompt nicht mit eussers-  
lichen Geberden/ Es ist inwendig in euch. Vnd  
Paulus/ Das Reich Gottes ist nicht essen vnd  
trincken/sondern Gerechtigkeit/ friede vnd freu-  
de im heiligen Geiste. Vnd abermal 1. Corint.4.  
Das Reich Gottes stehet nicht in Worten/ son-  
dern in Krafft/ das ist/ die Christenheit / oder  
Christliche Kirche/ stehet nicht in singen/ lesen/  
essen/trincken / kleiden so oder so / Sondern in  
rechtem glauben vñ rechter liebe. B ij Diez

Luc. xvij.  
Rom. xiiii.



D Jeweil nu die Bepstische vnd Adiapho-  
ristische Kirche mit solchen menschlichen Cere-  
monien/on Gottes Wort vñ befehl/ geordnet/  
gestiftet/vnd abgemessen ist/Wie lange/wie offt/  
wie vnd wenn man Messe singen vñ lesen / was  
man essen/vnd wie man sich kleiden sol/ So ist  
gewis / das dieselben beide Kirchen / nemlich  
die Bepstische vnd Adiaphoristische / die abge-  
messene Kirche ist / dauon der Text saget vnd  
spricht / Wis den Tempel Gottes/ vnd den Alt-  
tar/vnd die darinnen anbeten.

Das ist nu die erste Kirche/dauon der Engel  
saget/ darinne alles mns gemessen sein / der  
Tempel/die Messe/Altar. Personen/ vñ Kleider/  
Denn ein iglichs hat sein eigen Tradition/ Ges-  
bot/ vnd Gesetze/Wie mans eusserlich brauchen  
vnd halten sol/Auff das nicht ein iglicher (als  
D. Pfeffinger schreibt) mache/ wie er wil.

Darumb sind sie alle beide rechte Caruen Kir-  
chen/mit einer schönen Farbe angestrichen / ge-  
schmückt/vnd gezieret/vnd ire Kirchen geprenge  
in hoher Ehre schweben/Darinne man in köst-  
lichen Kleidern/Messe vñ Vesper singet vñ liest.

Dauon der Prophet Hoseas deutlich  
vnd klerlich geweissaget hat/ Cap. 7. Sie ruf-  
fen mich nicht an von hertzen / sondern löhren  
auff iren Lagern / oder in iren Kirchen / Sie  
versamlen sich vmb Korn vnd mosts willen/vnd  
sind mir vngheorsam etc. Das ist auff Dentsch  
so viel gesaget/ Die Messstumpffen gehen zu  
Chor/singen/vnd lesen Messe/ halten Processi-  
on/vnd gehen mit Creutzen / vmb der Presentz.  
willen/damit sie Gott nur reitzen vnd erzürnen/  
das er mit der straff eilen mus / Denn sie thun  
alles vmb's Geltz willen/on Gottes Wort/Ges-  
bott



bott vnd befehl/ Auff das sie in irem Stande/  
bey irer Wirde vnd Herrligkeit bleiben mögen.

**D**ie ander Kirche/dauon Johannes  
hie saget ( Den innern Chor des Tem-  
pels wirff hinaus/vñ mis in nicht) Ist die  
ware rechte Christliche Kirche/ welche von den  
Messern vnd Gesetz gebern / dem Papst vnd  
seinen Messpaffen hinaus gestossen vnd ge-  
worffen wird/Dieselbe Kirche/spricht der En-  
gel zu Johannes/ Mis nicht.

Denn die Christliche Kirche sol mit Keinen  
Menschlichen Tradition oder Gesetzen ge-  
messen werden/Denn sie ist von Christo vnserm  
lieben **H**errn gemessen/geordnet vnd gestiftet/  
wie sie bis an den Jüngsten tag sein vnd blei-  
ben sol. Derhalben sie kein Mensch noch En-  
gel endern oder bessern sol/ Sondern wir sollen  
vnd müssen sie bleiben lassen / wie sie Christus  
vnser lieber **H**err geordnet/gestiftet/ vnd gesetzt  
hat/Denn sie ist auff's aller beste vnd feinste mit  
Lere vnd Ceremonien/durch die lieben Aposteln/  
aus Christus befehl/geordnet vnd gefasst/das  
sie keiner besserung noch enderung bedarff.

**D**enn Demosthenes vnd Cicero/ Juristen  
vnd Rhetores sind viel zu wenig vnd geringe  
dazu / das sie Christus Stiffet vnd Ordnung  
endern oder bessern solten/Sie sollen schweigen  
vnd hören/die hand auff's maul legen/ vnd mit  
Saulo sprechen. Domine quid uis ut faciam?

**D**iese Kirche ist nu Gottes Reich/oder das  
Himmelreich/ die heilige Christenheit / die da ste-  
het im rechten glauben vnd rechter liebe. Wo nu  
rechter glaube vnd rechte liebe ist/ da ist Gottes  
Reich/das Himmelreich/ vnd die Christliche Kir-



che. Aber rechten Glauben vnd rechte liebe kan  
niemand haben/denn durchs Wort vnd pres  
digt des heiligen Euangelij/welchs allein / vnd  
sonst nichts auff Erden/ rechten glauben vnd  
liebe leret/Denn beide glaube vnd liebe werden  
vom heiligen Geist durchs wort in vnser hertzen  
gegossen.

Es. lv.

Wo nu Gottes wort geprediget wird / da ist  
gewiss glaube vnd liebe/Denn Gottes wort/  
spricht der Prophet/wird nicht vergeblich gepre  
diget. Wo aber Glaub vnd liebe ist/da ist gewiss  
die rechte Kirche/die von Papisten vnd Adia  
phoristen hinaus gestossen vnd verworffen wird.  
Wo aber Gottes wort nicht rein geprediget  
wird/da ist weder Kirche/Glaube/noch liebe/  
Denn on Gottes wort kan kein Glaube sein/  
Wie der glaube Gottes wort foddert/also fod  
dert das wort den Glauben/Denn wie Glauben  
on wort falsch vnd triegerey ist/Also ist  
Wort on Glauben heucheley vnd Abgötterey/  
Derhalben gehören sie zusammen/also/das eins  
on das ander nicht sein kan.

Drumb sol diese verworffen vnd ausges  
stossen Kirche/wie gesagt/mit Gesetzen vnd Ce  
remonien menschlicher Tradition nicht gemess  
sen/gefasst noch gebunden werden / wie Chris  
tus vnser lieber Herr sagt / Das Himelreich  
kompt nicht mit eusserlichen geberden/sondern  
ist inwendig in euch/das ist/die Christliche Kir  
che stehet vnd gehet allein darinne vnd in dem/  
was wir im hertzen haben/nemlich/das wir  
recht glauben vnd lieben.

Denn Klingen/singen/Vesper/Messe vnd  
Vigilien halten/sind nicht der Christlichen Kir  
chen



ehen opffer vnd werck / sondern Gott glauben  
vnd lieben / sind die rechten opffer der Christ-  
lichen Kirchen. Wie Christus vnser lieber Herr  
spricht Matth. 7. Es werden nicht alle / die zu  
mir sagen / Herr / Herr / in das Himelreich  
komen / Sondern die den willen thun meines  
Vaters im Himel.

Des Vaters wille aber ist nicht Messe /  
Vigilien / vnd Vesper singen / Processiones /  
Creutzgengge vnd andere Ceremonien halten /  
welchs Gott nicht geboten noch befohlen hat /  
sondern Gott trawen vnd glauben / in anrufen  
vnd von gantzem hertzen lieben / Welchs Gott  
gar thewr befohlen vnd geboten hat. Denn die  
Gottlosen können auch Vesper singen vnd Mes-  
se halten / Aber Gott lieben vnd fürchten kan  
kein gottloser noch falscher Christen thun.

Vnd was wollen wir viel von den losen  
Ceremonien sagen / die das hertz einnemen / vnd  
die Menschen von Gottes wort abführen / den  
Glauben ausleschen vnd vertilgen. Spricht  
doch S. Paulus / das Reich Gottes stehet nicht  
in worten / das man viel dauon schwatzet vnd  
prediget / sondern in der Krafft / das ist / im Glau-  
ben vnd in der liebe.

Denn von Gott vnd seinem Wort viel re-  
den vnd predigen / *persuasibilibus humane sapien-  
tia uerbis*, können auch die falschen Christen /  
sonderlich das lose Gesinde / Juristen / Orato-  
res vnd Rhetores. Aber Gott vnd seinem Wort  
allein glauben / vnd in vber alle ding lieben / vnd  
den Nächsten / als sich selbst / kan niemand  
thun / denn die rechten waren Christen. In  
diesen wercken vnd thaten stehet die Christ-  
liche



liche Kirche/ Gottes Reich/vñ die Christenheit/  
nicht in eusserlichen Ceremonien/ als singen /  
lesen / essen/ reden / vnd kleiden/ Welchs alles  
von Jüden herkommen ist/ on Gottes wort/ Gebot  
vnd befehl.

Derhalben die arme verworffen vnd aus  
gestossen Kirche / nicht anders fürnimpt noch  
thut / denn das sie Gottes wort / vnd die heiligen  
Sacrament/ so Christus vnser lieber Herr  
eingesetzt hat/ leret/ prediget/ vnd drüber treu-  
lich helt/ vnd kein andere menschliche Ceremo-  
nien zulest/ noch annimpt/ Sondern allein die  
Christus vnser lieber Herr eingesetzt / vnd zu  
halten befohlen vnd geboten hat/ als die Taus-  
che/ des Herrn Abendmal / hoc est, Communio-  
nem populi, da mit man on Spectakel vnd Kir-  
chen geprenge Gott loben/ dancken vnd preisen/  
seine Wunderthat jederman predigen vnd ver-  
kündigen sol.

Die Jese Kirche dringet vnd zwinget nie-  
mand zu irer lere vnd Ceremoniē/ sondern durch  
ir predigen vnd vermanen reizet vnd locket sie  
jederman/ dieselbe anzunemen / vnd lesetz ein-  
iglichen frey/ ob ers annemen wil / oder nicht /  
verriaget vnd tödtet niemand darumb/ Wer nie-  
cht wil/ den lesetz sie fahren/ gehet von im vnd  
schüttelt den staub von iren füßen/wie Christus  
vnser lieber Herr ir befohlen vnd geboten hat.

Die jenigen aber/ so die lere angenommen  
haben / vnd Christen sein wollen / vnd doch  
gleichwol sündigen / vermanet / warnet / vnd  
straffet sie / das sie sich bekeren vnd bessern sol-  
len/ Vnd wo sie nicht wollen / so thut sie die sel-  
bigen in Bann/auff das sie schamrot werden/  
vnd sich bekeren.

Das



Das sie aber jemand solt verriagen oder tödten/das thut sie nicht/hats auch nie gethan von anfang her/thuts auch nimmermehr/wie das nicht allein Christus vnser lieben HErrn wort vnd Gebot /sondern auch der heiligen Apostel that vnd Exempel klerlich zeugen vñ ausweisen.

Darumb gebüret der Christlichen Kirchen niemand zu verriagen noch zu tödten/sondern es gehört vnd gebürt der gemessenen vnd Caruen Kirchen/das sie solchs thue vnd ansrichte / wie sie denn thut vnd gethan hat / stracks wider Christus wort/befehl vnd Gebot.

Gleich wie die Jüden vmb irer Opffer vñ Ceremonien willen Christum vnd die Aposteln tödten/Also tödtet itzund der Papst vñ seine Messpfaffen/vmb seiner Aufsetze willen/die rechten Christen / wie sie solchs an Hussiten vnd itze an Lutherischen reichlich beweiset haben. Aber die rechte Kirche bannet noch tödtet niemand/vmb der Eere vnd glaubens willen/Denn was gehet die Kirche die an/so draussen sind?

Als aber der Engel weiter saget/Der Dinner Chor (das ist/die rechte Christliche Kirche) ist den Weiden gegeben/das ist/die rechte Kirche kompt von Jüden auff die Weiden. Denn die Synagog/die Jüden / sind nicht mehr Gottes Volck / wie sie gewest sind/sondern die Weiden sind durch den Glauben Gottes Volck vnd die rechte Kirche worden.

Also auch die Römische Kirche ist nicht mehr die Christliche Kirche/denn sie ist/wie die Jüden/vom Wort vnd Glauben abgefallen/vnd ist ein gemessener Tempel worden/der mit

C

eitel



eitel Ceremonien / vnd menschlichen Tradition  
gefasst vnd gemessen ist.

Aber die Lutherischen / so Gotteswort vnd  
Glauben haben / sind die rechte ware Christliche  
Kirche / die von der gemessenen Caruenkirche zu  
Rom / hinaus gestossen vnd verworffen ist.

Welchs also durch der Juden fall / vnd  
der Heiden eingang figurirt vnd bedeutet ist /  
Denn alle Geschichte der Juden (sagt S. Paulus)  
sind ein Figur der künftigen geschichte / so  
in der Christlichen Kirchen geschehen / vnd je  
widerfaren sollen.

Das ist nu die meinung des Engels / da Er  
zu Johanne spricht. Wis den innern Chor des  
Tempels nicht / denn er ist den Heiden gegeben.  
Denn die Christliche Kirche / sol von Menschen  
en vngemessen vnd vngefasset bleiben / welche  
Christus vnser lieber Herr allein mit seinem  
Wort / Gebot / vnd Befehl gemessen vnd gefas-  
set hat.

Aber des Papsts Caruenkirche / die Stö-  
fferin / sol von den Menschen mit eusserlichen  
Ceremonien vnd Kirchen geprenge / so von Jü-  
den vnd Heiden genomen sind / gemessen vnd  
gefasst werden / wie der Engel hie saget / Stehet  
vnd mis den Tempel Gottes / vnd den Altar /  
Aber den innern Chor stoss hinaus. Diese  
Prophecey hat Rom reichlich erfüllet / Gott ges-  
be das alles was diesen Worten folget / auch  
bald geschehe / vnd erfüllet werde / Amen.

Dieser Spruch wil ich euch lieben  
Herrn zum newen Jar vnd zur Letze ge-  
schanckt haben / möget derhalb wol zuse-  
hen / in welcher Kirche jr sein vnd bleiben wolt /  
vnd



vnd welche jr handhaben vnd schützen wolt/  
Denn es gilt euch/vnd nicht vns/ Es gilt euch  
den ewigen Tod / oder ewiges Leben / darnach  
möget jr euch richten/ Sehet euch wol für/das  
jr die rechte Kirche treffet/ vnd jr nicht feilet/ Ir  
habet die wahl / möget euch keren vnd wenden  
zu welcher jr wolt. Lieben Herrn es ist nicht  
schertz / es ist grosser ernst des göttlichen Ge-  
richts/ Darumb lasset euch nicht betriegen noch  
verführen/ Sehet auch wol zu/das jr euch selbs  
nicht betrieget noch verführet.

In Summa/ gebet achtung darauff/was jr  
glaubet vnd thut/auff das jr euch nicht wendet  
noch wancket / sondern sicher vnd gewiss seiet/  
welchs die rechte Kirche ist / vnd bey welcher jr  
bleiben wolt / Ob jr bey der Kirchen / welche  
mit Gesetzen/ Ceremonien vñ menschlicher Tra-  
dition gefasset vnd gemessen wird / so in ehren  
vnd gewalt schwebet / vnd alle die jenigen / die  
ire Ceremonien mit Kirchengeprenge nicht wol-  
len annemen/verdampft/verfolget/ vnd tödtet /  
Oder ob jr bey dem innern Chor / so hin aus  
gestossen vnd verworffen wird/ vnd mit keinen  
Ceremonien oder menschlichen Tradition ge-  
messen/nach gefasset ist / bleiben wolt? Wel-  
che nu euch vnter den beiden gefellt / die möget  
jr annemen/dieselbe handhaben vnd schützen.

Vnd auff das jr euch selbs nicht betrieget/  
noch von andern betriegen vnd verführen lasset/  
So wil ich euch meinen Rat/ so es euch anders  
angenem ist/ treulich mitteilen / vnd bitte gantz  
vntertäniglich/ die weils euch zum besten ge-  
schicht/jr wöltet es nicht verachten/sondern mit  
vleis selbs bey euch in ewrem hertzen bedencken



was recht/billich/vnd Christlich sey/vnd diese Sache auff ewre Ketze nicht stellen/noch euch auff sie verlassen/Denn es sind Leute on Gottes Wort/mit menschlicher weisheit begabet vnd begnadet / welche fur Gott in dieser Sacheder Religion ein lauter Torheit ist / Sondern sehet selbs drauff / es gilt euch/ ewrer Ketzeweisheit wird euch an jenem Tage nicht entschuldigen.

Werdet jr nu meinen Radvt annemen vnd folgen/so folget jr Gott vnd seinem Wort/welchs euch nicht betriegen / sondern den rechten weg leren/zeigen/vnd weisen wird/dem selben folget vnd nemet in an /Wo es euch rewet/so spricht denn/das ich euch betrogen habe / So wil ich denn euch den schaden legen / vnd dazu ewer straff gedultiglich tragen vnd leiden.

W jr wisset / das nicht allein Gottes / sondern auch das Römische vnd Weidnische Recht niemand verdampft/er sey denn zuuor gehort vñ vberwunden/Solchem Recht soltet jr als fromme Richter billich folgen / wie jr schuldig vnd pflichtig seid/Wie jr aber solchs mit vns Lutherischen gehalten habt/das wisset jr am besten. Aber ich wil dauon hie nicht sagen/Denn ich hab mir in diesem Büchlein fürgenomen euch zu raten vnd helffen / nicht zu straffen noch zu schelten.

**S** ist nu das mein trewer radt / Die weil die gemessene Kirche des Papsts / vns Lutherischen nicht allein anklagt / sondern auch hinaus gestossen/vnd als Ketzer vnuerhort vnd vnuberwunden verworffen vnd verdampft hat/  
Das



Das jr vns doch / als Deupter des Römischen  
Reichs / woltet verhören / vnd sie nicht allein sa-  
gen / sondern auch beweisen / lassen / das wir  
Ketzer sind / Auch aus der Schrift anzeigen /  
in welchem Artickeln des Christlichen glaubens  
wir irren vnd feilen . Wenn sie das thun / so  
darffs keins Mandats noch Gebots / sondern  
wir wollen von vns selbs gern vnd willig da-  
von abstehen / vnd widerruffen / denn wir wolle /  
ob Gott wil / kein irthumb / noch Ketzerey leren /  
glauben noch predigen / viel weniger verteidigē.

Wenn sie nu solchs beweiset / vnd auff vns  
mit Gottes wort aus der Schrift gebracht  
haben / vnd wir dauon nicht abstehen / Als denn  
faret fort / vnd handelt mit vns / als sichs mit  
Ketzern gebürt / Vnd ich sage für mich / das ich  
keiner gnade begere / denn die gemeine Gnade /  
das man vns kein gewalt noch vnrecht thue .

Wd sie aber aus der heiligen Schrift ni-  
cht anzeigen oder beweisen können / das wir  
Ketzer sind / oder in einigem Artickel des glau-  
bens irren / So woltet euch bedencken vnd wol  
fürsehen / das jr die vnschuldigen nicht verfol-  
get / verdampt / noch tödtet / viel weniger vberzie-  
het vnd bekriegeret .

Wo jr aber solches verachten vnd in ewern  
thun / wie bisher geschehn / fort fahren werdet /  
So solt jr wissen / das jr niemand mehr schadet /  
denn euch selbs / wie jr / leider zu seiner zeit / die  
weil irs jtz nicht glauben / mit ewern ewigen  
schaden erfahren werde .

Das aber der Papst mit seinen Mess-  
paffen fürgibt / Es sey vnser lere vorhin im  
C iij Con



Concilio zu Costnitz verhort vnd verdampt /  
Darumb sey nicht von nöten / das man sie noch  
ein mal verhöre / oder in ein Concilio handele.

Darauff sage ich kurtzlich / das der Papst  
vnd sein Gesinde euch Herrn betriegen. Denn  
Johannes Duss ist nie verhört / habē auch kein  
Einrede noch Antwort von im hören / viel weni-  
ger annemen / wollen / Sondern habē in schlechte  
fürführen lassen / mit ein grossen tumult vnd  
geschrey als einen Ketzer verdampt / Wie die  
Historia solchs klerlich anzeiget vñ ausweisset.

30 dem / so hat S. Joannes Duss dieser  
vnser Lere nie gedacht / noch mit ein wort ange-  
rürt / Sie ist auch in keinem Concilio gehan-  
delt / viel weniger dawider etwas decidirt oder  
definiert worden / Ja es ist diese vnser Lere vnd  
Sache / vor Doctor Martinus zeit / heiliger ge-  
dechnis / kein Menschen im Papstumb in  
sinn komen. Derhalben betriegen sie Keiser / Kö-  
nige / vnd Fürsten / wenn die Pfaffen vnd ire  
Juristen sagen / diese Sache sey vorhin im Cons-  
cilio verhört vnd verdampt.

Denn es sind zween Artickel / darauff die  
gantze Sache stehet / welche für Doctor Mar-  
tinus Luthers zeit / heiliger gedechtnis / nie er-  
fahren / noch erhört sind / viel weniger gehandelt  
vnd beratschlaget. Als nemlich der erste / Die  
Messe ist kein Gottesdienst / sondern für Gott  
ein Grewel vnd Abgötterey / da mit man Gott  
nur erbittert vnd zu zorn reizet.

Der ander Artickel. Der Papst ist der rechte  
ware Antichrist / dauon die Schrift weissaget  
vnd verkündiget / Vnd der Römische hoff (wenn  
er gleich



er gleich nach laut des geistlichen Rechts reformirt were ) ist des Antichrists Reich vnd Regiment. Davon Johannes Duss nicht ein wort geschrieben noch geprediget / sondern hat allein des Papssts vnd seiner Pfaffen geitz / hoffart / vnd vnzucht angegriffen vnd gestrafft / Aber der Messen vnd des Papssts Regiment / in geistlichem Recht verfaisset / hat er nicht gedacht.

WJe vnd danon were von nöten in ein Concilio zu handeln / vnd ratschlahen ( nicht das wirs bedürffen / so Gottes wort für vns haben / vnd nicht ein har breit / durch Gottes gnade / danon gedenccken zuweichen ) Würde sichs den finden / das die Messe ein Christlicher Gottesdienst were / welchs nicht ehe geschehen wird / Christus stimme denn zuvor mit Belial vber ein / Drumb auch D. M. heiliger gedechtnis / die Pepsstische Messe als ein lesterlichen Grewel vñ Abgötterey verworffen hat / vñ solchs aus göttlicher Schrift gewaltiglich erweist / derhalb auch als ein erticht menschen werck abgeschafft / Dagegen an stat derselbigen Communionem populi, nach Christus vnser lieben WErn einsetzung vnd befehl angericht.

Zu dem hat er auch mit starckem gewissen Grund / aus Gottes wort / angezeigt vnd erstritten / Das der Papsst mit seiner Lere vnd Regiment dem heiligen Euangelio / vnd Christus Reich / nicht gemes / sondern zum höchsten entgegen vnd zuwider ist. Denn die Schrift nennet Christum / Doctorem iusticie, sein Reich / regnum gratie, & ueritatis Psal. 89. 117. vnd sein Lere uerbum pacis, uita, salutis &c. Dagegen des Antichrists



christis reich/nennet sie ein Reich der sünden/des  
zorns/der lügen/des verderbens etc. vnd seine  
leren/Doctrinas dæmoniorum 1. Timo. 4.

Derhalben sehe ich für das beste an/das  
man dauon in der zeit abstehe vnd weiche / ehe  
Gottes zorn vnd straffe angehe. Denn wenn  
die zeit vnd stunde des zorns komen vnd ange-  
hen wird/so ist zu lange gehart/vnd wird als  
denn nichts helffen in himel/noch auff erden.

Denn es sind nicht mehrlein noch Fabeln  
da von Johannes hie saget/Mis den Tempel  
Gottes/vnd stos den Innern Chor hinaus/denn  
er ist den Heiden gegeben ( das ist ) Die rechte  
Kirche ist nicht bey den/die den namen vnd Titel  
der Kirchen haben/sondern bey den/die Gottes  
wort / das heilig Euangeliū hören vnd  
glauben/vnangesehen/das sie on  
Titel / namen vnd Regiment  
der Kirchen sind.

Gedruckt zu Jhena/durch Christi-  
an Ködinger.



154584

AB 154 584  
(x2203820)

Ho-1002.

VD 17


~~138.~~











6.

Ein gut newe Jar /  
den grossen Herrn in  
dieser Welt geschanckt.

Durch Niclas von  
Amsdorff.

Psal. II.

So lasst euch nu weisen jr Könige / vnd lasse  
euch züchtigen jr Richter auff Erden.

Dienet dem **HERN** mit furcht / vnd  
fretet euch mit zittern.

Küsst den Son / das er nicht zürne / vnd jr  
umbkomet auffm wege / Denn sein zorn wird  
bald anbrennen / Aber wol allen die auff in  
trawen.

Coloss. II.

SEhet zu / das euch niemand beraube  
durch die Philosophia vnd lose verführung /  
nach der Menschen satzungen / vnd nach der  
Welt satzungen / vnd nicht nach Christo.

~~in dem Jahr~~  
1577  
Christi  
A ij